

1. **MINISTARSTVO UNUTRAŠNJIH POSLOVA KANTONA SARAJEVO**, ulica La Benevolencije broj 16, Sarajevo, kojeg zastupa ministar, Admir Katica (u daljem tekstu: Ugovorni organ) i
2. **“Porsche Inter Auto BH” d.o.o.** Sarajevo, ulica Mali Kiseljak broj 6A, Blažuj, Sarajevo, koje zastupa direktor Alex Andor Vaszi i prokurist, Dino Karić (u daljem tekstu: Dobavljač)

zaključili su:

OKVIRNI SPORAZUM
nabavka usluga servisiranja u garantnom roku za motorna vozila marke
“ŠKODA”- LOT 2

Strane u okvirnom sporazumu saglasno konstatuju:

- da je u skladu sa Zakonom o javnim nabavkama BiH ("Službeni glasnik BiH", broj 39/14, 59/22 i 50/24) proveden otvoreni postupak za nabavku usluga servisiranja motornih vozila u garantnom roku, marke “ŠKODA” – LOT 2, za potrebe Ministarstva unutrašnjih poslova Kantona Sarajevo, broj Obavještenja o nabavci 1364-1-2-40-3-38/25 od 07.03.2025. godine, sa ciljem zaključivanja okvirnog sporazuma sa jednim ponuđačem na period od 2 (dvije) godine;
- Nabavka je izvršena na osnovu Odluke broj 01-11-4-1428 od 24.02.2025. godine;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponuđača broj PIA-105/2025-S.H. od 27.03.2025. godine.

Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci usluga servisiranja motornih vozila u garantnom roku marke “ŠKODA”, sa ciljem zaključivanja okvirnog sporazuma sa jednim ponuđačem na period od 2 (dvije) godine, a u skladu sa uslovima iz tenderske dokumentacije, ponudom Dobavljača, odredbama ovog okvirnog sporazuma i stvarnim potrebama Ugovornog organa.

Količine navedene u specifikaciji su okvirne i važe za vrijeme važenja okvirnog sporazuma.

Ukupna vrijednost Okvirnog sporazuma sa popustom od 8% iznosi 24.489,52 KM bez PDV-a (dvadesetčetirihiljadečetiristotineosamdesetdevet i 52/100 KM).

Cijene su fiksne i ne mogu se mijenjati za vrijeme važenja ovog okvirnog sporazuma.

Član 2.

Nakon zaključenja okvirnog sporazuma, Ugovorni organ će zaključiti pojedinačne ugovore o javnim nabavkama.

Pri zaključivanju pojedinačnih ugovora, ne mogu se mijenjati bitni uslovi iz ovog okvirnog sporazuma.

Član 3.

Ugovorni organ će ugovorenu cijenu plaćati Dobavljaču u roku od 60 (šezdeset) dana po dostavljanju fakture za izvršenu uslugu.

Član 4.

Dobavljač je dužan da izvrši uslugu u roku od 1 dana od zaprimanja zahtjeva Ugovornog organa.

Član 5.

Dobavljač se obavezuje da ugovorenu uslugu izvrši u svemu prema tehničkoj dokumentaciji, propisima, standardima i normama kvaliteta koji važe za vrstu usluga koje su predmet nabavke.

Član 6.

Dobavljač je dužan sačiniti i dostaviti Ugovornom organu račun uz koji dostavlja radni nalog sa specifikacijom ugrađenih dijelova, navedenim izvršenim uslugama, normirano vrijeme koje je utrošeno za svako servisiranje pojedinačno.

Član 7.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Okvirni sporazum se zaključuje na period od 2 (dvije) godine, a stupa na snagu danom obostranog potpisivanja.

Član 9.

Ugovorne strane su saglasne da će sva, eventualno sporna pitanja rješavati dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 10.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ
„PORSCHE INTER-AUTO BH“
d.o.o. SARAJEVO

Alexandor Vaszi, direktor
Dino Karić, prokurist



Datum: 26.05/2025. godine
Broj: PIA-U-188/2025

Datum: 15.05.2025. godine
Broj: 04-1-11-4-1428-6/25

gus